



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Auxilium Dei subitum.

[urn:nbn:de:hbz:466:1-68709](https://nbn-resolving.org/urn:nbn:de:hbz:466:1-68709)

ribus, nimirum anno Mundi 2850. ab Agamemnone mactatam asserunt; ita Dæmone per omnia satagente ad Dei imitationem assurgere.

IV. (d) Quod si placeat etiam ex cerva Iphigeniæ supposita, doctrinam capere, possis hinc discere auxilium Dei rebus in arctis, tam opportunum, quam insperatum. Hinc David eum sæpius *Adjutorem & Protectorem in tribulatione*, seu in rebus adversis vocat. Proverbio dicitur: *Deus è machina*: quoties salus ex insperato ostenditur, & in summo discrimine, præter spem adest auxilium. Sumptum à consuetudine tragœdiarum, in quarum plerisque, deus aliquis machinis quibusdam improvisò ostendebatur è sublimi, qui res turbatas componeret. Ita Iphigeniæ, inter sacrum & saxum, inter cultrum & aram sacrificalem media, repenti succurrit Diana. Fabulosum hoc quidem; at veritas ex historia sacra enotescit. Solet enim Deus verus rebus in extremis constituto, & jam deposito ac conclamato subito manum porrigere, & opem ferre. Sic Abrahamo jam jam gladium in Isaacum suum vibranti, medium se genius è coelo delapsus interposuit & inter cervicem ferendi, ac ferientis brachium intervenit, victimamque simul ac sacerdotem promptæ voluntatis obsequio gloriosos, insperato gaudio affecit. Jobus hoc expertus, ait, cap. 11. *Quasi meridians fulgor consurget tibi ad vesperam: & cum te consumptum putaveris, orieris ut Lucifer*, id est, cum tibi adesse credideris diem ultimum, & solem occasum, tunc repenti lux meridiana felicitatis affulgebit, & mediis in tenebris jubar divinæ providentiæ orietur. Uti exorta est Susanna, quam nequissimorum senum calumnia, destinatum morti hostiam, repenti consurgens Daniel, etiamnum adolescens, periculo subtrahit. *Deum è machina* diceres; etsi ex alto non apparebat, sed ex turba populi subito coortus. Scilicet

Major agit Deus, atque opera ad majora reservat.

Ita legimus in historiis profanis, Virginem quandam Valeriam, ad averruncandam pestem, ex Oraculo immolandam Junoni fuisse, cum devolans aquila victimarium cultrum rapuit, eundemque buculæ juxta templum pascenti infixit. Caussin. in Symb.

ex Aristide lib. 9.



(d) *Auxilium Dei subitum.*

SYM.